

EDITORIAL

Iduron ti panangpasungbat kadagiti Duterte ken panaglaban iti kontra-umili a rehimen Marcos

Kaniwas iti dawdawaten a hustisya ti umili a Pilipino, agbunto-buntog tatta ni Marcos iti panangiduron iti *impeachment* wenno panangusig iti Kongreso ken Vice President Sara Duterte, ken panangpaaresto kenni dati a presidente Rodrigo Duterte tapno sumango iti International Criminal Court. Daytoy ket iti laksid dagiti agik-ikkis nga ebidensya ti nakaro a korapsyon ni Sara, ken dagiti krimen ni Rodrigo laban iti sangkataw-an.

Sursuroten ni Marcos ti balakad ti amo na nga imperyalista a US a pagnadnaden ti pannakidinnungpar na kadagiti Duterte tapno saan a maalarma dagiti gangannaet a monopolyo kapitalista nga agpupuonan iti pagilyan. Imbes a denggen ti pukaw ti umili para iti hustisya, un-unan ni Marcos ti konsolidasyon iti poder na tapno in-inot a maikkatan dagiti Duterte ti bileg ken impluwensya. Kabilang kadagitoy nga addang ti maar-aramid a "loyalty check" ken panagbalasa dagiti upisyal ti AFP ken PNP ken reorganisasyon ti National Security Council.

Ultimo a panggep ni Marcos a pairuten ti kontrol na iti bileg iti pulitika tapno aywanan ti bukod na a bukrurata-kapitalista nga interes. Maysa a kangrunaan a pakakumikoman tatta ni Marcos ket ti umadani nga eleksyon inton Mayo. Ar-aramaten na ti amin a pigsa ti estado ken pondo ti publiko tapno siguraduen a ma-kontrol dagiti alipures na ti Senado, Kongreso ken dagiti lokal a gubyrno. Ti konsolidasyon ti poder ni Marcos ket ar-aramaten na laban iti umili ken laban kadagiti karibal na iti pulitika.

Iti gandat a lemiesen ti pukkaw ti umili para iti hustisya ken kigtoten dagiti kongresista ken grupo a ma-

ken kapya" tapno gabburan ti dawdawaten ti umili a hustiya ken pukaw tapno pagsungbatan ti kagurgura da nga agama a Duterte.

Nasurok makabulanen ti napalabas manipud iti agsasaruno a naiyuli a tallo a kaso ti *impeachment* iti Kongreso. Ngem iti kumpas ni Marcos, a nagkuna a ti *impeachment* ket "panagsayang laeng iti panawen" ken "saan pay a napapanawen," awan pay uray maysa kadagitoy ti narugian a naiproseso. Parparwaren ti dadduma nga ur-urayen ni Marcos



a masigurado nga iggem na ti mayor-ya iti Senado tapno sigurado a makedngan ni Sara Duterte. Ti agpayso, agintutuleng ni Marcos iti pukkaw ti umili ken laplapdan ken idisdiskaril na ti inisyatiba ti nadumaduma a demokratiko a sektor a pagsungbaten ni Sara Duterte ken amana a ni Rodrigo.

Ti panangitantan ni Marcos iti kaso iti panangpadisi ken Sara Duterte ket ad-adda a mangsungsungrod iti pungtot ti umili a Pilipino. Saan da a mairusok a makita nga agtultuloy nga agparayag ti bise presidente a dadaulo iti naanomalya a pananggastar iti ginasut a milyon a piso a kwarta ti umili. Ken ad-adda a saanda a mairusok a ti binilyon a piso a badyet ti reaksyunaryo a gubyrno a nagtaud iti binayadan a buwis ti kadawyan nga umili ket ibulbalsa dagiti kunni-ber nga upisyal ti gubyrno, iti panangiyuna ti burukrata-kapitalista a ni Marcos.

Ad-adda nga umun-uneg ti pungtot ti umili a Pilipino iti sango ti kumarkaro a krisis iti pagbiagan, nangruna iti agsasaruno a panangngato ti presyo ti taraon, langis ken nadumaduma a gagatangen kadagiti umuna a lawas ti 2025. Agtultuloy nga agintutuleng ni Marcos iti pukkaw dagiti mangmangged ken kadawyan nga empleyado nga ingato ti tangdan ken

sweldo, a palalo a kurang tapno ma- biag a disente dagiti pamilya a Pilipino.

Awan ti solusyon ti rehimen Marcos iti nakaro a problema ti nasaknap a desempleyo, ken baybay-an na laeng ti tattao a makaammo nga agsapul ti pagbiagan da. Nakarkaro pay, mapapaidaman ti pagsapulan ti minilyon a mannalon, mangngalap, dagiti drayber ti dyip ken dadduma pay a sektor iti sango ti gandat dagiti burges-kumprador ken kakunsabos da a gangannaet a kumpanya ken bangko nga agawen ti daga ken pagbiagan da.

Iti sango ti nasaknap a panagsagaba ken pannakatennag ti pagbiagan ti umili, kumarkaro a panangikuspil ti sungbat ti rehimen Marcos iti gandat nga apputen dagiti arungaing da. Agtultuloy nga umad-ado ti kaso ti panag-espiya, pananglipit kadagiti organisasyon, panangidarum iti pinarbo a kaso, panag-aresto, tortyur ken ekstra-hudisyal a pamapatay laban iti kadawyan nga umili nga agkaykaysa tapno ilaban ti interes ken pagimbagan da. Todo-todo ti panagaramat tatta ni Marcos kadagiti linteg a "kontra-terorismo" para iti pananglapped kadagiti karbengan. Nakarkaro ti sitwasyon iti kaaw-awayan nu sadinno nga agdadata a linteg

militar ti ipatpatawda iti rinibo a barangay a konkontrolen ken pagar-arian dagiti pasista a soldado.

Tapno iyabante ti pagimbagan ken karbengan ti masa a Pilipino, kasapulan a napinget a reppetén ti intar da ken ikkan ti bileg ti pungtot da kadagiti krimen ken basbasol dagiti Duterte, ken iti agtultuloy a burukrata-kapitalista ken pasista a panagari iti sidong ni Marcos. Ad-adda pay a papigsaen ti nalawa a nagkaykaysa a prente tapno urnongen ti amin a sektor, organisasyon ken dagiti indibidwal iti panawagan a pagsungbaten dagiti Duterte. Nasken a buklen ti nadumaduma a langa ti timpuyog ken dagiti alyansa, pormal man wenno saan a pormal, tapno maawis ti kalawaan a masa a dumar-ay iti nadumaduma a langa ti tignay ken panangiyebkas ti arungaing.

Rumbeng a mapangngeddeng nga iyabante ti demokratiko a tignay masa tapno pagsungbaten dagiti Duterte ken papigsaen ti laban iti panangsingir kadagiti Marcos ken iti kabuklan a burukrata-kapitalista a sistema. Nakasaysayaat ti sitwasyon tapno riingen ti masa ken napaspas a palawaen ti organisasyon da. Nadam-eg ti daga tapno aduan a pagtubuen dagiti unyon ken timpuyog ti masa agpada iti kasyudadan ken kaaw-awayan.

Gammatan ti nakasaysayaat a sitwasyon tapno iyabante dagiti pang-ekonomya ken pangpulitika a laban ti masa ken aggun-od kadagiti balligi kadagiti dangadang da. Kasapulan nga isilpo dagitoy iti panaglaban iti rehimen US-Marcos ken iti panangiyabante iti nailyan-demokratiko a tignay.

Nasken a sipipinget nga agtignay ken ad-adda pay nga agpakatibker dagiti kadre ken kameng ti Partido tapno agserbi a bugas kadagiti panaglaban ti masa. Isuda ti silaw ken tarabay iti panagabante ti masa iti narigat a dana ti panaglaban. Rumbeng a buklen dagiti limed nga organisasyon ti masa a direkta a sumup-suporta iti panangiyabante ti armado a dangadang, ken manggriing iti masa nga agkameng iti New People's Army.



Tawen LVI No. 2 | Enero 21, 2025

Ti Ang Bayan ket maipabpablaak iti lenggwahe a Pilipino, Bisaya, Iloko, Hiligaynon, Waray ken Ingles. Agawawat ti Ang Bayan kadagiti kontribusyon nga artikulo ken damdamag. Maallukoy met dagiti agbasbasa nga agidanun kadagiti dillaw ken rekomendasyon para iti panagduras ti pagiwarnak tayo.

Linaon

Editorial: Iduron ti panangpasungbat kadagiti Duterte ken panaglaban iti kontra-umili a rehimen Marcos

Marcos	1
Rebolusyonaryo a patakaran iti eleksyon	3
Tignay panagilinteg iti komite a pangrehiyon	4
Pananglipit kadagiti kandidato ti Makabayan	5
Ulos 2024, inpablaak ti Armas	5
Maika-56 nga anibersaryo ti CPP, narambakan	5
Basnut ti nangangato a presyo ti bagas	6
Iti ababa a sarita	7
Naigagara a pamapatay idiyar Negros Island	8
Dagiti protesta	8
Trump, pangta iti sangkatawan	9
Ceasefire iti baet ti Palestine ken Zionista nga Israel	10

Ti Ang Bayan ket ipabpablaak ti Komite Sentral ti Partido Komunista ng Pilipinas dua a daras iti tunggal bulan

 ang.bayan@cpp.ph

Rebolusyonaryo a patakaran iti panawen ti reaksyunaryo nga eleksyon

U pisyalen a nangrugi ti panawen ti reaksyunaryo nga eleksyon iti pagilyan idi Enero 12. Agbabalubal ken agsisinnangdo ditoy dagiti kandidato tapno masukdal ti saan a bumaba iti 18,000 a pusisyon iti saan a bumaba iti 18,000 a pusisyon iti gubyrno ken pakinabangan ti burukrata-kapitalista a sistema. Agraranget ditoy dagiti dadakkel a *warlord* ken dagiti dinastiya iti pulitika ken aggigiddan da a rabngisen ti pagimbagan ti umili. Usaren da dagiti armado a maton, pulis ken pwersa a militar da.

Iti sango daytoy, nairut nga ipatungpal ti rebolusyonaryo a tignay ti agraraira a patakaran iti panawen ti reaksyunaryo nga eleksyon iti saklaw nga erya ti operasyon. Iti mandar ti Partido, siguraduen ti New People's Army (NPA) ti panangsalaknib iti pagimbagan, dagiti karbegan ken interes ti umili.

Rumbeng nga ipalagip iti amin nga agkamkamat ti pwesto iti reaksyunaryo a gubyrno a dagiti patakaran ket nairut a maipatungpal kadagiti rebolusyonaryo nga erya. Dagiti kandidato ken dagiti tagasupporta da ket mapalubosan nga agkampanya umannurot kadagiti agraraira a pagallagadan.

Maparparitan dagiti pulitiko nga agitugot kadagiti armado a maton ken dagiti eskort da a pulis ken militar a kadawyan nga maar-aramat tapno pabutngan ti umili. Ti dadduma pay a langa ti panagpwersa, pa-

nagaramat ti armado a ranggas ket saan a palabsen, nangruna dagiti burukrata-kapitalista nga agar-aramat iti pondo ti pagilyan laban iti umili. Addaan bileg dagiti mandato iti NPA a kumpiskaren dagiti armas dagiti kandidato ken dagiti armado a maton da. Nu kasapulan, maipatungpal daytoy babaen kadagiti tsekpoynt ken dadduma pay.

Kasapulan a puntiryaen ti NPA dagiti yunit ti AFP ken PNP, karaman met laeng dagiti armado a maton dagiti reaksyunaryo a pulitiko, nga aramaten ti kampanya iti panagbobotos kadagiti larangan gerilya a panglinded kadagiti operasyon ti panagtiktik laban iti Partido, iti NPA, iti demokratiko a gubyrno ti umili ken iti rebolusyonaryo a masa.

Sakbay nga agkampanya kadagiti rebolusyonaryo nga erya, nasken nga agpakaammo dagiti pulitiko kadagiti yunit ti NPA. Napateg day-

toy a koordinasyon tapno maliklikan ti anyaman nga insidente, karaman dagiti komprontasyon iti baet dagiti armado a maton dagiti aglalaban a pulitiko.

Sigurado nga aramaten ti AFP ti reaksyunaryo nga eleksyon tapno paingeten dagiti operasyon a kombat, pulitikal a represyon ken panagkontrol daytoy kadagiti barangay iti kaaw-awayan iti balangkas ti gera a kontra-insurhensya. Iti bangir na, guyuden met daytoy ti AFP ken PNP nga obligado a maiwaras iti nadumaduma nga ili a maituding a "red, orange ken yellow risk" basar iti kinakaro ti rinnupak dagiti lokal a pulitiko, karaman ti "presensya" ti NPA. Dagiti yunit a pangkombat ti AFP ket lehitimo a target ti NPA.

Nairut nga inallukoy ti Partido dagiti kandidato a pagkedkedan dagiti diaya ti armado a seguridad manipud iti AFP, gapu ta daytoy ket ar-aramaten laeng ti militar tapno ipatungpal ti pulitikal a represyon. Masansan a dagiti burukrata a pababoran ti militar ket isuda met laeng ti makikumkumplot iti pasista a kampanya ti represyon iti kaaw-awayan. Ultimo a panggep dagiti operasyon da a lapdan ti panaglaban ti umili ken salakniban ti interes dagiti dadakkel nga apo't daga, dadakkel a negosyo ken dagiti gangannaet a kumpanya iti panagminas ken plantasyon.

Iti laksid ti maulit-ulit a panagideklara a maymaysa laengen ti "nakapsut a larangan gerilya" ti NPA, inpablaak ti Philippine Army nga isuda ket "agtaltalinaed nga alerto ken agtultuloy a mangisayangkat kadagiti operasyon para iti internal a seguridad" tapno masigurado ti "kapyo ken urnos" ti eleksyon. Dagitoy nga operasyon ket agitantandudo kadagiti taktika ti "guns, goons and gold" a kagagalad ti amin a reaksyunaryo nga eleksyon.



Determinasyon dagiti komite a pangrehiyon nga umabante iti dana ti tignay panagilinteg

Nalawag ti sungbat ti nadumaduma a komite a pangrehiyon ti Communist Party of the Philippines (CPP) iti nadumaduma a paset ti pagilian iti tignay panagilinteg nga inpanawagan ti Komite Sentral. Inpanawagan dagiti mangidadaulo a komite ti panagpinget ken agtultuloy a panangigaed nga ilinteg dagiti nagkapuyan ken nagkamalian kadagiti napalabas a tawen tapno mapanggeddeng nga umabante iti nadumaduma a tay-ak ti trabaho kadagiti saklaw nga erya ti operasyon da.



Dagiti balligi iti Southern Tagalog

"Rumbeng a rambakan dagiti balligi ti agdama a tignay panagilinteg iti rehiyon," pablaak ti komite iti Southern Tagalog nga inparuk-at ti kalihiman daytoy. Inbingay ti komite a pinasingkedan, pinaginggeman ken inpatungpal ti Partido iti rehiyon dagiti rebbengen iti tignay panagilinteg. Kabilang ditoy ti panagpaturpos iti kampanya a panagadal kadagiti pangpartido a leksyon iti agarup lima a ribo a kamkameng ti Partido iti kaaw-awayan ken kasyudadan.

Kuna daytoy a kaadwan kadagiti komite ti Partido ket balligi a nakapatungpal kadagiti komprehensibo a panaglagom iti praktika da iti napalabas a lima a tawen. "Dagitoy a panaglagom ket ad-adda pay a nangpauneg kadagiti immuna a naitudo nga usapin kadagiti napasingkedan a panaglagom iti tukad ti komite iti rehiyon," pablaak ti Kalihiman.

Nakatulong met dagiti panaglagom tapno ad-adda pay a patademen dagiti nausig ken natudo a nagkamalian ken nagkapuyan kadagiti subrehiyon/probinsya ken dagiti larangan kas partikular a langa ti empirismo manipud 2019 agingga 2022. Nayon ti kalihiman, "Natudo ti narabaw, pangruar ken bangbangir a panagawat iti kasasaad ken dagiti banag, nagkamalian iti istatiko a panagbuya kadagiti banbanag, a makagapu nga agbalin a naglabesen ti iggem a kaamuan ken saan a naiyannatop iti obhetibo a kasasaad ken iti kasta ket

[makaap-apektar iti] mabukbukel a plano ken patakaran."

Inyebkas ti Kalihiman a "determinado daytoy nga ad-adda pay a paunegen ken palawaen ken itunda agingga iti balligi ti agdama a tignay panagilinteg." Nupay kasta, napudno met nga inyebkas daytoy a bayat nga adda ti dakkel a panagabante ket awan pay ti mapanggeddeng a panagbaw-ing iti pananglapped kadagiti dangran ken panagsanud dagiti rebolusyonaryo a trabaho ken pwersa iti kaaw-awayan ken kasyudadan ti rehiyon bayat nga adda pay paset nga agtultuloy nga umat-atras.

Panagpinget idia y Negros Island

Tuloy-tuloy a paspasingkedan ti Komiteng Rehiyon idia y Negros Island ti panawagan ti Komite Sentral para iti tignay panagilinteg. Iti napalabas a tawen, inyulat daytoy ti panangrepaso ti Partido ken dagiti kamkameng iti immunan a nabukel daytoy a 22 tawen a sumada ti rebolusyonaryo a dangadang iti isla manipud tengnga a paset ti dekada 1990. Inbingay da a daytoy ti nagbatayan ti Komite para iti 5-tawen a panaglagom para iti 2017-2022.

"Nakaurnong tayo kadagiti nabalitokan nga ad-adal kas natibker a basaran iti kabuklan a plano ken direksyon nga ad-adda pay a makapagpapisga iti pundasyon ti Partido tayo," pablaak ti Komite kanaig ti panagsuma. Tinudo daytoy ti positibo a

kapadasan ti kolektibo a panagsuma kadagiti trabaho ti tunggal komite agingga iti tukad ti larangan gerilya.

Inyabante ti Komite ti kampanya iti panagadal kadagiti dokumento nga inruar ti Komite Sentral a rumbeng a tuloy-tuloy a pagadalan. Kabilang ditoy ti tallo-tukad a kurso ti Partido a naiyaramid iti nadumaduma nga organo ken kamkameng batay iti nagbalin a plano iti edukasyon ti rehiyon. Timmaud iti intar da dagiti baro nga instruktur ken dagiti baro a kameng ti Partido.

Inbingay da pay a bayat a maadadal dagitoy a teorya, praktikal a nakatulung ti kolektibo a panagadal iti teoretikal a pagiwarnak ti Partido a Rebolusyon, ken dagiti memorandum ti Komite Sentral tapno rimbawan dagiti kamali nga aramid ken ideya. Dakkel kano ti naitulong ti panagipatarus iti pagsasao a Hiligaynon kadagiti dokumento, kurso ken babasaen tapno nalaklaka a maawatan dagiti kamkameng, nangruna dagiti nagtaud iti basaran a dasig.

Iti sango dagiti *focused military operations* (FMO) ti rehimen US-Marcos, nakapagpinget ti Partido ken hukbo ti umili iti rehiyon iti tulong ti tignay panagilinteg. Naaramid daytoy a palawaen ti tigtignayan nga erya ti lima a larangan gerilya iti isla nu ikumpara iti napalabas a tawen.

Iti tengnga dagiti sakripisyo ken rigat iti panangiyabante iti armado a

Suruten iti panid 5

Pananglipit kadagiti kandidato ti Koalisyon Makabayan, kumarkaro

ITI UMADANI NGA eleksyon a *mid-term*, kumarkaro ti atake ken pananglipit ti rehimen Marcos ken armado a pwersa daytoy laban kadagiti kandidato ken partido iti sidong ti Koalisyon Makabayan.

Idi Enero 15, simmango iti Office of the City Prosecutor of Manila dagiti kandidato ti kinasenador ti Makabayan tapno agidatag ti kontra-salaysay iti kaso nga iligal nga assemblya wenno panaglabsing iti Public Assembly Act wenno Batas Pambansa 880 nga inpila kadakuada dagiti pulis. Kanaig daytoy ti tignay protesta idi Nobyembre 30, 2024, Aldaw ni Bonifacio, idia Mendiola iti Manila.

Sangapulo iti 11 kandidato ti koalisyon ti nairaman iti kaso kabilang ti nominado ti Bayan Muna Party-list, dagiti lider ti Alliance of Concerned Teachers ken Alliance of Health Workers. Malagip nga immunan a nakasuan da KMU Chairperson Elmer "Ka Bong" Labog ken Nilo Mortifero, kameng ti Bayan Muna nga iligal nga inaresto dagiti pulis iti aldaw ti protesta.

Idi Enero 10, nagiparuk-at ti memorandum ti Bureau of Jail Management and Penology (BJMP) a nagmandar a "nairut a bantayan" dagiti balud a maatap nga addaan silpo iti Communist Party of the Philippines (CPP) wenno dagiti kaalyado daytoy. Naitudo met iti mandato a rumbeng a bantayan ti kandidato iti kinasenador a ni ACT Teacher's Rep. France Castro gapu iti masansan a panagbisita na iti pagbaludan. Parparwarenda a manmandaran na kano dagiti balud pulitikal nga agkubra ti pondo manipud kadagiti "drug trafficker" iti pagbaludan. Umad-ado met ti maaw-awat ni Castro a pangta iti biag na.

Kabayatanna, dandani inaldaw ti panangiparuk-at ti National Task Force-Elcac kadagiti pablaak ti *Red-tagging* ken panagipasaknap ti inulbod laban iti Makabayan, dagiti partido ken kandidato daytoy.

Ulos 2024, inpablaak ti Armas

INPARUK-AT TI ARTISTA at Manunulat ng Sambayanan (Armas) ti Ulos, pangkultura a pagiwarnak, para iti 2024 idi Enero 13, aldaw ti maika-38 nga anibersaryo ti grupo. Ti isyu ti Ulos ket nagtayyek iti tema ti tuloy-tuloy a panangiyabante ti nailyan-demokratiko a rebolusyon ken panagpinget ti Partido, hukbo ken rebolusyonaryo a masa iti balangkas ti tignay panagilinteg.

Linaon ti isyu dagiti salaysay, daniw, istorya, kanta, drowing ken dadduma pay a partuat ti arte a mangiladladawan kadagiti sakripisyo ken panagsagaba iti biag-ken-patay a panaglaban dagiti rebolusyonaryo. Mailadladawan dagiti pyesa daytoy ti landok a panagkaykaysa dagiti rebolusyonaryo a pwersa iti masa ken ti naanus a panaggawaing masa tapno sublian dagiti naibati ken bumangon.

Ti isyu ti Ulos 2024 ket addaan 150 panid nga aglalaon kadagiti artikulo a naisurat iti Pilipino, English, Iloko, Bisaya ken Hiligaynon.

Mabalin a mangala ti kopya ti Ulos 2024 iti *philippinerevolution.nu* wenno dumawat ti kopya manipud iti *e-mail* nga *ulos@ndfp.org*. Agpadaan laeng iti baro nga anunsyo ti Armas ken Ulos para iti panagkalap kadagiti kontribusyon iti sumaruno nga edisyon daytoy ita a tawen.

Maika-56 anibersaryo ti PKP, narambakan idia South Quezon Bondoc Peninsula

SIMPLE, NGEM NABAGAS ti panagrambak ti New People's Army (NPA)-Quezon (Apolonio Mendoza Command) iti maika-56 anibersaryo ti Communist Party of the Philippines. Insayangkat da ti istilo a "kapehan" (panagiistorya bayat nga agkapkape) iti pananglagip iti maysa a larangan iti South Quezon-Bondoc Peninsula (SQBP).

Iti programa, pinadayawan ti yunit dagiti martir ti Quezon iti napalabas a tawen. Nangted ti pablaak ti pannakikaykaysa dagiti bisita a dimmar-ay a nagtaud kadagiti alyado a timpuyog ti National Democratic Front of the Philippines (NDFP) kas ti Kabataang Makabayan ken Artista at Manunulat ng Sambayanan.

Sakbay pay ti Kapehan ket nagbasa ken nagadal ti Nalabbaga a hukbo ti pablaak ti Komite Sentral ken mensahe ti Kalihiman ti Komiteng Tagapagpaganap ti Komite ti Rehiyon ti Partido iti Southern Tagalog para iti anibersaryo ti Partido. Pinasingkedaan dagiti pablaak ken mensahe ti panawagan nga "Agilinteg ken Umabante!" nga isu met laeng a tema ti Kapehan.

Paset met ti selebrasyon ti simple a pagsasangwan a makmakan, panagbibingay ti kapadasan iti napalabas a tawen, panagburda, panagdrowing, panagkanta ken panagbasa ti sumagmamano a libro a Marxista-Leninista-Maoista.

Manipud iti panid 4

rebolusyon, nalapdan ti turongen ti panagsanud. Ngem ketdi, limmangto ti NPA tatta a tawen kumpara iti napalabas a tawen," kuna ti Komite.

Timmaud ti baro a pigsa nga addaanan kumpyansa iti intar dagiti Nalabbaga a mannakigubat gapu iti madandanon a konsolidasyon ken dagiti panagsanay iti pulitiko-militar. Saan a bumaba iti 36 nga opensiba ti insayangkat ti Nalabbaga a hukbo iti napalabas a tawen. Nakumpiskar daytoy ti 17 nga armas, bala ken dadduma pay a ramit militar a mangarmas kadagiti baro a rekrut ti NPA. Nagbalin a sungbat daytoy ti NPA iti panawagan para iti hustisya ti nakaad-ado a biktima dagiti panaglabsing iti karbengan-tao ti militar ken pulis.

Basnut ti nangangato a presyo ti bagas ken dadduma a gagatangen iti umili a Pilipino

Imbes a bagas a sag-₱20 kada kilo, kamatis a sag-₱20 kada pidaso ti simabat kadagiti Pilipino apagserrek ti 2025. Sakbay nga aggibus ti Enero, agalen met ti umili ti dumanon iti 10% a panangngato iti presyo ti 60 a basaran a produkto, agingga ₱2.70/litro a balbaliw a panagtayok kadagiti produkto a petrolyo, ken tuon a ₱15 kada byahe iti LRT. Dagitoy a nayon a baklayen ket tumuon iti immunan a naipadamag a nayon a singir iti kuryente ken danum ken nayon a kissay iti sweldo dagiti agitentennag iti SSS wenno Social Security System. (Kitaen ti kanaig nga artikulo a "Didigra iti umili ti ituntunda ti rehi-men US-Marcos iti umili," Ang Bayan, Enero 7, 2025).

Saan laeng nga inutil, sungsung-batan mismo ti rehimen Marcos ti tuloy-tuloy a panangngato ti singir ken presyo dagiti gagatangen, nangruna ti bagas, a mangipabpababa iti kalidad ti panagbiag dagiti Pilipino. Imbes a papigsaen ken suportaran ti lokal a produksyon ti bagas, ad-adda pay nga inlukat daytoy ti lokal a merkado iti panaglayus ti nangina nga imported a bagas. Palpak ti patakaran a panangkissay iti taripa iti imported a bagas a naipatungpal kas pabor iti dadakkel nga importer ken ismagler ti bagas.

Inamin mismo dagiti upisyal ti Department of Agriculture kadagiti panagdengngeg iti Kongreso idi Disyembre 2024 ken daytoy Enero ti kinainutil ti panagbaba ti taripa tapno ibaba ti presyo ti bagas. Kunada, bimmaba ti "landed cost" ti imported a bagas iti agingga ₱8 ngem agtaltalinaed a labes iti ₱50 ti presyo ti inangkat a bagas iti merkado. Nasaknap ti *hoarding* (panangilemmeng ti suplay) tapno pagtalinnaeden a nangato ti presyo. Idi Disyembre 2024, ti abereyds a presyo kada kilo ti *well-milled* a bagas ket ₱54.97. Daytoy ket 23.3% wenno ₱10 a nangatngato ngem ₱44.54 kada kilo idi Disyembre 2023. Iti bangir na, natennag agingnga ₱10 ti panagngatang iti lokal a pagay kada kilo iti kapada a panawen.

Resulta ti saan a

maanawa a panangngato ti presyo ti taraon ken dadduma pay a gagatangen ti panagbagsak ti pudno a gatad ti piso. Idi 2024, ti pudno a gatad ti sangagasut a piso ket ₱79 laengen. Ti magatgatang idi 2018 a ₱100 ket agkasapulanen tatta ti ₱121.

Inkatlo ti pagkagkagastusan dagiti pamilya a Pilipino ket taraon. Gapu ditoy, nangatngato ti tantos ti implasyon iti karirigatan a pamilya. Anyaman a panangngato iti presyo, kasano man a kabassit daytoy, ket mangitunda ti panagsuwek iti kabaelanda a gumatang ken sungbatan dagiti basaran a pagkasapulan da.

Agsasaruno a didigra

Pinakaro ti agsasaruno a didigra ken kinainutil ti rehimen a sungbatan ti pagkasapulan ti umili ti nangangato a presyo ti gagatangen. Ti basnut ti importasyon ket ad-adda a pinakaro ti panagserrek ti siklo ti maysa iti kakarwan nga El Niño Southern Oscillation (ENSO) manipud pay katengnga ti 2023. Iti umuna a gudwa ti 2024, bimmaut ti

ipus ti El Niño a nagresulta iti naka-ro a tikag iti 12 a prubinsya. Pinerdi daytoy ti pagbiagan ti nasurok 300,000 mannalon iti 17 a prubinsya ken nangdadael iti mulmula nga ag-gatad ti ₱15.3 bilyon.

Simmaruno iti tikag ti napipigsa a panagtudo, bagyo ken tudo nga itunda ti *shearline* (nu sadinno nga agdungdungpar ti napudot ken nalamiis nga angin) a nangitunda met kadagiti layus ken panagreggaay ti daga ken nangiyanud kadagiti narurukop a rangtay, kalsada ken pasdek. Dimmalan iti pagilyan ti 18 a bagyo idi 2024. Agsasaruno a bimmasnut ti innem a bagyo idi Oktubre 27, 2024-Nobyembre 18, 2024 a nangperdi iti sanikua ken pagbiagan ti 15 a milyon a katao iti 17 a rehiyon, kaadwan ken kakarwan idiy Bicol, Cagayan Valley, Central Luzon ken Ilocos. Dimmanon iti ₱21 bilyon ti danyos ti innem pay laeng a bagyo iti agrikultura ken imprastruktura. Iti kangitingitan dagiti bagyo, dimmanon iti 2.9 milyon a katao ti kapi-litan a nagbakwit.

Iti panagtantya ti ahensya a Pag-asa, makapadas ti pagilyan ti 6-8 bagyo iti umuna a gudwa ti 2025, gapu iti panagbaut ti penomena a La Niña a paset ti ENSO. Ti La Niña ket ituntunda ti nalamlamiis kumpara iti normal a temperatura iti kabaybayan iti Pacific, nu sadinno a mabukbukel ti mayorya ti dakes a panawen.

Daytoy Enero laeng, adu nga ili

ken kataltalonan iti Eastern Visayas, Bicol ken Davao ti limned iti layus gapu ti tuloy-tuloy a tudo ken napipigsa nga

angin. Kas ti minilyon a nadangran, adu kadakuada

ket awan ti maaw-awat na a tulong manipud iti reaksyunaryo a gubyerno tapno makabangon manipud iti didigra.



AB

₱22.6 B

pondo a pangkalamidad ti nagastos ti NDRRMC idi 2024 para iti *relief and rehabilitation* a kadakkelan (₱12.09 bilyon wenno 53%) ket napan iti DPWH.

Ti DSWD ket nakaawat laeng ti ₱8.135 bilyon, bayat a ti DA ken ahensya ti pabalay ket nakaawat ti ₱500 milyon ken ₱374.970 milyon.

₱129.39 M

dadael kadagiti kataltalonan gapu iti panagbettak ken tuloy-tuloy a panag-alburuto ti **Bulkan Kanlaon** iti isla ti Negros. Apektado daytoy ti 1,431 a mannalon.



18,280

pusisyon iti senado, kongreso ken dagiti lokal a gubyrno ti silulukat para kadagiti kandidato iti eleksyon inton Mayo 2025.

₱1 bilyon

tunggal maysa ti naipadamag a ginastos ti 2 a kandidato iti kinasenador (**Marcos, Villar**) para iti patalastas idi Enero-Setyembre 2024 sakbay pay a simrek ti kampanya iti eleksyon.

₱9.5 B

insingit dagiti kongresista iti pondo para iti AICS ti DSWD, programa a pang-ayuda a kas ti **AKAP**, a nagingato iti badyet daytoy agturong ti ₱44.744 bilyon. Kas ti AKAP, mabalin daytoy nga iwaras iti panawen ti eleksyon.

25%

ti indakkel ti kinabaknang ti tallo a kabaknangan a Pilipino (**Enrique Razon, Manuel Villar, Ramon Ang**) manipud ₱947.3 bilyon idi 2023 agturong ti ₱1.5 trilyon idi 2024. Dagitoy a tallo ket agtagikua kadagiti kumpanya ti danum, kuryente ken enerhiya nga awan-sarday a nagingato ti singir idi 2024.

6 MILYON

naimprentan a balota nga agbalar ti ₱150 milyon



ti kasapulan a dadaelen ken balbaliw nga iyimprenta ti Comelec kalpasan nga inmandar ti Korte Suprema nga isubli dagiti nagan ti sumagmamano a kandidato nga intennag ti ahensya.

38,000

iti 89,000 ektarya a daga a mamulmulaan ti saba a pang-eksport idiyay Mindanao ti saanen a maus-usar gapu ta kontaminado ti daga ditoy ti sakit a Banana Fusarium Wilt Tropical Race 4 wenno TR4. Saan met a mabiag ditoy ti dadduma a mula a taraon.

Ingagara a pammapatay, iligal a panag-aresto ken panagbugbog, naimaldit idiyay Negros Island

Awan-sarday ti ranggas militar nga imulmula dagiti yunit ti Armed Forces of the Philippines idiyay Negros Island. Iti umuna a lawlawas pay laeng ti Enero, addan dagiti kaso ti ekstra-hudisyal a pammapatay, iligal a panag-aresto ken dadduma pay a panaglabsing iti karbengan-*tao* dagiti berdugo.

Pammapatay. Ingagara a pinapatay dagiti soldado ti 15th IB ti naaresto daytoy a Nalabbaga a mannakigubat ti New People's Army (NPA)-Southwest Negros (Armando Sumayang Jr Command) a ni Rodney Lumanog (Ka Wannay) idi Enero 10 iti Sityo Cambogui-ot, Barangay Camindangan, Sipalay City, Negros Occidental. Segun iti yunit ti NPA, sibibiag a nakemmeg ni Ka Wannay kasaruno ti maysa nga armado a labanan iti nasao a lugar.

Segun kadagiti ulat, tinortyur isuna sakbay a pinapatay dagiti soldado. Adda ti rangkap iti saka ni Ka Wannay gapu iti maysa nga operasyon idi pay dekada 1990 ken nasuktan ti *stainless* daytoy.

Panag-aresto. Idiyay Sityo Palosais, Barangay Mahalang, inaresto ti 94th IB ti maysa nga agnagan ti Dado Sanchez idi Enero 14. Segun kadagiti residente, nagturong ti biktima iti pagugingan na, kalpasanna ket saanen a nakasubli. Pinilit kano dagiti soldado ni Sanchez nga agserbi a giya iti operasyon a kombatan dagitoy.

Iti Sityo Nahulop, Barangay San Antonio, kinemmeg dagiti soldado da Aira Gonzales ken Alfredo Hilado idi Enero 15. Binugbog da met ti asawa ni Gonzales a ni Joseph ken ti kadwa na a karruba na. Parparwaren dagiti soldado a nakumpiskar kadakuada ti maysa a .45 kalibre a pistola, dagiti *command-detonated explosive*, ken dagiti dokumento. Didiay met laeng nga aldaw, iligal a kinumpiskar dagiti soldado ti 94th IB dagiti selpon dagiti residente ti Sityo Nahulop.

Panagpangta. Idi Enero 3, pinangtaan dagiti soldado ti 94th IB a paltoganda ti agassawa a Tasi ken dagiti karruba da idiyay Sityo Kambudlis, Barangay Mahalang.

Panaglipit. Naipilaan ti kaso a "terrorism financing" ti dua nga upisyal ti United Methodist Church (UMC) ken maysa a drayber idi Disyembre 2024. Pabpasolen dagiti pwersa ti estado da Rev. Julius Neri Camannong ken Rev. Joel Ordaneza ti UMC iti Zamboanga Sibugay, ken ti drayber a ni Romeo A. Russell a nangted ti tulong pinansyal kadagiti "terorista."

Ti kaso ket kanaig ti panangited ti sangtawyo dagiti pastor iti maliplipit a salaknib ti karbengan-*tao* idi Enero 2024 idiyay Zamboanga Sibugay. Inaramat a basaran dagiti pulis ti salaysay ti dati nga aktibista ken tatta ket ahente ti estado a ni Nelson Bautista Jr tapno maidarum dagiti biktima.

AB



Disbar Duterte! Nagidatag ti reklamo a *disbarment* wenno panangikkat kas abugado laban ken dati a pangulo Rodrigo Duterte iti Korte idi Enero 17. Kabilang iti 17 a nagiyuli ti reklamo da Atty. VJ Topacio, anak ti napapatay nga agassawa a rebolusyonaryo a da Eugenia Magpantay ken Agaton Topacio, ni Liezel Asuncion, asawa ti lider-aktibista a napapatay a ni Manny Asuncion ken Llore Pasco, ina ti dua a napapatay iti "gera kontra droga."

Panangngato ti matrikula iti UST ken NTC, nasupyat. Nagprotesta dagiti estudyante ti University of Sto. Tomas (UST) iti kampus daytoy idiyay Manila idi Enero 14 tapno babalawen ti *tuition and other fees increase* (TOFI) iti unibersidad. Ti tignay ket indauluan ti nailyan-demokratiko a grupo iti uneg ti UST. Idi napalabas nga akademiko a tawen iti UST, bimmut iti 6% ti panangngato iti matrikula, ken para iti akademiko a tawen ti 2023-2024 ket sumangsango dagiti estudyante iti panangngato a dumanon iti 4%-10% depende iti kolehiyo.

Iti National Teachers College idiyay Manila, nasurok 100 estudyante ti nagpirma iti petisyon nga indauluan ti Ayokong Magmahal NTC tapno supyaten ti nakalayat a TOFI. Ti aktibidad ket naiyaramid kagiddan ti "konsultasyon" idi Enero 16 kanaig iti gakat a panangngato ti matrikula ti NTC.

Plano a panangngato ti plete iti LRT, nababalaw. Sinabat ti protesta dagiti agtutubo ken estudyante ti umuna a byahe ti LRT-1 Doroteo Jose Station iti Sta. Cruz, Manila idi bigat ti Enero 15. Sinupyat da ti plano a ₱15 maksimum a panangngato ti plete nga idurduron ti Light Rail Manila Corporation, ti kumpanya a mangpatpataray iti serbisyo ti LRT iti Metro Manila. Idi Enero 9, dimmar-ay dagiti mangibagi kadagiti progresibo nga organisasyon iti pangpubliko a pangdenggeg kanaig iti panangngato ti plete nga inyaramid ti Department of Transportation. Inyebkas da ditoy ti nainget a panagsupyat da.

Welga iti Handyman. Nagikasa ti welga idi Enero 6 dagiti mangmangged ti Handyman-True Value-Pet Lovers Empowered Workers Union iti kangrunaan a *depot* ti Handyman iti Manila Bay Spinning Mills Compound idiyay Marikina City, Naiduron da nga umakar ken itakder ti piket iti hedkwarters ti Robinsons Retail Holdings Inc. (RRHI) nga agtagikua iti Handyman iti Quezon City gapu iti iligal a pangangduprak iti welga da. Sungbat daytoy ti unyon iti iligal a panangikkat iti saan a bumaba iti 122 mangmangged idi Nobyembre 2024. Inikkat isuda ti RRHI gapu iti panangitandudo iti unyon da.

Maikadwa a panagari ni Trump, pangta kadagiti mangmangged ken umili iti US ken sangalubongan

Idi aldaw ti Enero 29 idia Washington DC, nagsapata ni Donald Trump kas maika-47 a presidente ti US ken pangulo ti karungsotan a managgubat nga imperyalista iti lubong. Balbaliw isuna nga agtugaw iti poder kalpasan ti umuna a termino na idi 2016-2020. Tumakder isuna kas presidente iti maysa a senado ken kongreso a dominado dagiti kapartido na. Dimmar-ay iti inagurasyonna dagiti bilyonaryo a tagasuporta na a kas kada Elon Musk, Jeff Bezos ken Mark Zuckerberg nga agtagikua kadagiti kaddakkelan a kumpanya iti teknolohiya iti intero a lubong.

Iti bitla na, inpaypayso ni Trump dagiti neopasista ken imperyalista a patakaran nga umunan a naitambor nga ipatpatungpal ti rehimen na.

Nagideklara isuna ti "national emergency" tapno iyaramid ti "kadakkelan a programa iti deportasyon iti pakasaritaan ti Amerika" a panagtuloy iti kontra-migrante ken rasisista a patakaran ti umuna a panagtakem na. Kabilang iti target nga ideport ni Trump ti mapatta-patta a 370,000 a Pilipino a saan a dokumentado iti US. Ituloy na met ti panangitakder ti "boarder wall" wenno pader iti nagbeddeng ti US ken Mexico ken panangpairut kadagiti patakaran ti migrasyon.

Iti umuna nga aldaw na, inyanunsyo na ti sumagmamano kadagiti mandato nga ehekutibo a plano na nga iruar. Kabilang ditoy ti saan a bumaba iti 10 patakaran iti imigrasyon, panangikkat ti panangbigbig ti dadduma a kasarian ti guberno, panagikkat ti US iti katulagan kanaig iti panagbaliw ti klima (Paris Climate Accords) ken panangikkat ti regulasyon iti produksyon ti langis ken LNG.

Agtuloy met a kamaten ni Trump dagiti grupo a demokratiko ken progresibo ken uray dagiti institusyon a mangitantandudo kadagiti karbengan a sibil ken kontra iti militarista a patakaran ti imperyalista a US.

Iti bangir na, palawaen ni Trump ti pribilehiyo nga

it-ited iti paborito na a monopolyo kapitalista iti tay-ak ti teknolohiya, enerhiya, pinansya, *real estate* ken industriya ti armas. Nagkari isuna a "pabassiten ti guberno" tapno ikaten dagiti regulasyon kadagiti monopolyo a kumpanya a pakadaksan dagiti empleyado ken mangmangged nga Amerikano. Kagiddan daytoy, ibaba na ti buwis kadagiti kadakkelan a kumpanya nga Amerikano, manipud 21% agturong ti 18%. Saan a bumaba iti 13 bilyunaryo ti naikeddeng nga agbalin a paset ti gabinete na.

Ad-adda a pinapigsa ni Trump ti agresibo a patakaran na iti relasyon a pangruar. Sakbay nga agtugaw iti poder, ikutanna (pwersaan man

wenno gatangen) ti Greenland, maysa nga isla nga addaan bukod a guberno nga addaan awtonomiya a naikaipasidong iti Denmark. Paggagarteman ni Trump ti isla gapu iti pateg daytoy iti estratehiya a militar ti US. Iti bitla na, inulit na ti pangta nga agawen ti Panama Canal, nu sadinno a dumaldalan ti 40% dagiti tagilako nga ang-angkaten ken iyeks-eksport ti US.

Tapno risuten ti panagsuwek ti produksyon iti US, sangkasao ni Trump iti panawen ti kampanya ti panangingato ti taripa (10%-20%) iti amin dagiti produkto a sumsumrek iti US manipud iti sabali a pagilyan, karaman ti agtaud iti Pilipinas. Kangatuan ti plano na nga ipataw a taripa (agingga 60%) kadagiti produkto manipud iti China, nga ibilbilang ti US kas estratehiko a karibal.

Kagiddan daytoy, manamnama a patuloy nga agipataw ni Trump kadagiti sangsyon wenno addang a pananglipit iti ekonomya ti Venezuela, Cuba, Iran ken dagiti pagilyan a mangitantandudo ti panagwaywayas da.

Iti sidong ni Trump, awan ti namnamaen a panagbalbaliw iti managgubat a pannakilangen ti US iti karibal daytoy nga imperyalista a China ken Russia. Iti likod dagiti "kontra-gera" a pablaak na ket ti militarista a takder a "kapyabaen ti pigsa." Ti idurduron na a panagsardeng ti putukan iti baet ti Russia

ken Ukraine ket nakabatay iti panagawat ti Russia kadagiti kundisyon ti US. Bayat a pappapigsaen ni Trump ti silpo na iti maka-Kanawan ken dagiti neopasista a partido ken rehimen iti EU.

Tagtagikwaen ni Suruten iti panid 10



Ceasefire iti baet ti Palestine ken Zionista nga Israel, narugyanen

Kalpasan ti 460 aldaw a brutal a panagbomba ken panangraut ti Zionista nga Israel iti Gaza, nabukel ti katulagan iti *ceasefire* iti Gaza Strip. Inyanunso daytoy idi Enero 16 ti guberno ti Qatar, ti nagserbi a taga-ballaet iti saritaan, karaman ti US ken Egypt. Naaddaan bileg ti umuna a tukad ti katulagan idi Enero 19.

Iti maysa a pablaak, dinayaw ti Hamas ti kinatibker ken kinatan-ok ti umili a Palestino a nangiduron iti Israel nga umannugot iti maysa a *ceasefire*. Dakkel a baw-ing ti katulagan iti sango ti kari ti Israel a saan nga isardeng daytoy ti panangraut agingga iti "absoluto a balligi." Pinaay dagiti Palestino ti plano ti Israel a pagtalawen isuda ken abaken ti tarigagay da tapno agbalin a nawaya iti okupasyon ken agresyon daytoy.

"Ti katulagan tapno gibusan ti agresyon iti Gaza ket maysa a balligi ti umili tayo, ti panaglaban tayo, ken ti nawaya nga umili ti lubong," segun iti Hamas. Inyuna ti Hamas, kadwa ti Palestinian Islamic Jihad, Popular Front for the Liberation of Palestine ken dadduma pay a grupo a Palestino ti nabanwar a panangsalaknib iti Gaza iti unos ti 15 bulan. Nagyaman dagiti grupo iti amin a suporta iti panaglaban da iti ballasiw-taaw.

Pinadayawan da dagiti namartir a mannakigubat a Palestino iti "nabanwar ken natibker a panaglaban" iti sango ti brutalidad ti Israel iti US.

Nagladingit da iti pammapatay kadagiti inosente nga ubbing ken amin nga indadanes ken pinarigat ti Zionista nga estado.

Dumalan iti tallo a tukad ti *ceasefire*. Ti umuna ket pakaitampokan ti dagus a panagsardeng iti labanan ken panangruk-at ti Hamas iti iggem daytoy a 33 nga Israeli (ubbing, babbai ken natataengan nga agtawen 50 agpangato) kasukat ti panangruk-at ti Israel ti agingga 1,000 balud a Palestino. Iti daytoy a tukad, maoblig ti Israel nga umatras manipud kadagiti sentro ti populasyon ti Gaza ken wayaan ti panagserrek ti ad-adda a kasapulan nga ayuda para kadagiti pamilya a Palestino.

Iti maikadwa a tukad a mapasamak ti naan-anay a panag-atras ti Israel iti Gaza ken nayon a sinnukat kadagiti balud. Iti maikatlo a tukad a marugyan ti rekonstruksyon ti teritoryo a pinulbos dagiti airstrike ti Israel. Amin a detalye iti maikadwa ken maikatlo a tukad ket maidatag iti negosasyon bayat nga maipatpatungpal ti umuna a tukad ti katulagan, a mapatta-patta nga agbayag ti

tallo a lawas.

Kinablaawan ti Communist Party of the Philippines (CPP) kagiddan dagiti demokratiko nga organisasyon iti intero a lubong ti *ceasefire*. Nupay kasta, ammo ti amin a saan daytoy a lepleppasen ti Zionista nga okupasyon ken gera a henosidyo. Iti mismo nga aldaw ti anunsoy idi Enero 16, nagiyaramid ti Israel ti baro a serye ti panagbomba. Iti uneg ti 24 oras, 101 Palestino ti napatay ken 264 ti nasugatan kadagiti airstrike daytoy.

"Saludwan tayo ti amin a mannakigubat iti kinatured ken kinalaing da iti panaglaban tapno aggun-od ti balligi para iti umili a Palestino iti tay-ak ti gubat ken negosasyon," segun iti CPP. Inpakita ti umili a Palestino a kasano man kakaro ti terorismo ti Israel, saan daytoy a naatiw ti palaban a pakinakem ken determinasyon a madanon ti tartarigagayan a wayawaya.

Idi Enero 17, dimmanon iti 45,788 a Palestino ti pinatay ti Israel iti patpatarayan daytoy a gera a henosidyo iti Gaza iti napalabas a 15 bulan. Kabilang ditoy ti 18,000 nga ubbing. Adda iti 110,265 ti sugatan, nu sadinno a 25% ket nakaro a nasugatan. Nasurok 90% ti populasyon ti Gaza ket napadisi kadagiti pagtaengan da.

AB

Manipud iti panid 9

Trump ti pannakabukel ti katulagan a *ceasefire* iti Gaza Strip, a nangrugi iti Enero 19. Awan ti kasiguraduan nga agbayag daytoy a katulagan, nangruna ta mabigbig ti Israel iti kinnaanwan-respeto iti anyaman a pagannurotan ken katulagan. Kinapudno na, inaldaw a lablabsingen daytoy ti *ceasefire* a sinerrek daytoy iti Lebanon.

Itultuloy ni Trump ti maka-Zionista ken managgubat a patakaran iti Middle East. Manipud pay iti umuna a termino na, naan-anay ti

suporta na iti rehimen ni Benjamin Netanyahu ken iti okupasyon ti Zionista nga estado kadagiti teritoryo ti Palestine ken nalablabes pay. Dinayaw na ti Abraham Accords nu sadinno nga inpaaklon ken inaramid na a lehitimo ti pannakisilpo ti Zionista nga estado kadagiti pagilyan nga Arabo.

Sigurado a paingeten ni Trump ti panangsugsog ti US iti gera iti China. Ti rehimen ni Trump ti nangbukel idi 2017 iti estratehiya a Free and Open Indo-Pacific, a nangidu-

ron para iti nalawlaw a presensya a militar ti US iti Asia, partikular iti South China Sea. Indeklaran ti napili na a kalihim ti state department a "kumprontaen" ni Trump ti China, kangrunaan a babaen ti panangarmas ken pannakibiang daytoy iti Taiwan. Malagip a ni Trump ti umuna a nagipatungpal ti Enhanced Defense Cooperation Agreement iti Pilipinas ken nagiduron para iti umuna a lima a base militar ti US iti pagilyan.

AB